



DECRETO

ASUNTO: BASES PARA A REALIZACIÓN DUN CAMPAMENTO DE VERÁN NO CONCELLO DAS NEVES. XULLO E AGOSTO 2019.

Dentro das actividades programadas polos Servizos Sociais Comunitarios do concello das Neves para o 2019 atopase a realización dun Campamento de verán para os nenos e nenas do noso concello.

No marco da política de igualdade de xénero e conciliación da vida laboral e familiar é unha necesidade organizar actividades desta natureza que faciliten a incorporación da muller ao mundo laboral e ao mesmo tempo asegurar que no verán os nenos e nenas ocupen o tempo libre de xeito proveitoso. Por outra banda, o Concello ten a responsabilidade de promover o coñecemento e coidado dun entorno natural do que podemos estar tan orgullosos.

Por isto propónse un recurso educativo que permite aos nenos e nenas, a través de actividades lúdicas, coñecer máis o seu entorno natural e o seu coidado. Ao mesmo tempo, educarase cara un consumo responsable mediante o xogo, o pensamento e as actitudes nun proceso de ensinanza-aprendizaxe sempre baixo o lema “Coñece para valorar e valora para sustentar”. Asemade, permite aos nenos e nenas a posibilidade de realizar actividades de tempo libre no seu entorno e compatibilizar os horarios familiares, máis complexos nas vacacións escolares dos/as máis pequenos/as.

Para iso este Concello solicitou subvención para a realización de **“CAMPAMENTOS DE VERÁN”** durante o ano 2019, **ó abeiro da Resolución do 28 de decembro de 2018 da Secretaría Xeral de Igualdade, polo que se establecen as bases reguladoras das subvencións as entidades locais da Comunidade Autónoma De Galicia, para a promoción da Igualdade (LIÑA FOMENTO DA CONCILIACIÓN DA VIDA PERSOAL, LABORAL E FAMILIAR SI435B), DA SECRETARIA XERAL DE IGUALDADE E BENESTAR,** (regulado polas Bases publicadas no DOG nº 28 de data 08 de xaneiro de 2019).

O obxecto da presente Resolución é proceder a ofertar o citado programa e establecer os criterios para a súa selección.

Así, de conformidade co sinalado no artigo 21.1.g) da Lei 7/85, e vista a Fiscalización da Intervención, **DISPOÑO:**

Praza da Cristiandade, 1
36440 – AS NEVES
+34 986 648 038
www.asneves.gal



Concello
As Neves

PRIMEIRO.- Aprobar a convocatoria do “**CAMPAMENTOS DE VERÁN**” durante o ano 2019.

SEGUNDO.- Aprobar condicións de participación e as bases de selección dos e das participantes no “**CAMPAMENTOS DE VERÁN**” durante o ano 2019:

TERCEIRO.- Aprobar o Anexo I no que se recolle o modelo oficial de solicitude de participación no **CAMPAMENTO DE VERÁN DO CONCELLO DAS NEVES 2019**.

CUARTO.- Ordenar a publicación da convocatoria no taboleiro de Edictos Municipais e na páxina web das Neves .

O mando e asino, en As Neves, na data que figura na marxe.

O ALCALDE EN FUNCÍONS

Asdo. Xosé Manuel Rodríguez Méndez

A SECRETARIA

Asdo. M^a Jesús Rodríguez Freire

(Documento asinado electrónicamente)



BASES CAMPAMENTOS DE VERÁN 2019 DO CONCELLO DAS NEVES.

1. PRESENTACIÓN

O campamento ten unha importante función educativa e de socialización, pretendendo, por medio de actividades lúdicas, crear un espazo recreativo que impulse o desenvolvemento de competencias académicas e as habilidades sociais da nena ou neno, a través do xogo, os deportes, as artes e a relación coa natureza e o entorno cultural.

Favorecen a participación social do grupo a través de actividades lúdicas e educativas, facilitando o fortalecemento das relacións interpersoais e a construción de metas grupais e colectivas que promovan o desenvolvemento humano.

Establécense as bases de funcionamento, dende o punto de vista do seu carácter de servizo sociocomunitario, establecendo unha oferta de sensibilización na igualdade de xénero, educativa e lúdica para as nenas e nenos do municipio.

Ademais, busca achegar, de xeito divertido, ás cativas e cativos os recursos patrimoniais, paisaxísticos, culturais e de ocio da contorna, potenciando o seu coñecemento e valorización.

2. FINALIDADE E CARACTERÍSTICAS DO CAMPAMENTO

O campamento de verán 2019 ten como finalidade proporcionar ás familias do municipio de As Neves un recurso que facilite a conciliación da vida laboral, persoal e familiar. Búscase ocupar o tempo libre das nenas e nenos en idade escolar de forma organizada e planificada a través de actividades de calidade que potencien a corresponsabilidade en todas as esferas da vida.

No deseño e execución de todas as accións tense en conta a perspectiva de xénero e a integración de tarefas que estimulen a autonomía e capacidade crítica das e dos participantes.

Ademais, trátase de implicar ás familias no desenvolvemento da programación a través das indicacións básicas sobre as actividades e rutinas.



3. OBXECTIVOS

OBXECTIVO XERAL

- Facilitar a conciliación da vida persoal, laboral e familiar promovendo a igualdade de xénero por medio dunha alternativa educativa que ocupe o tempo libre das nenas e nenos en parte das vacacións de verán.

OBXECTIVOS ESPECÍFICOS

- Establecer os criterios básicos a seguir na selección dos e das participantes no campamento de verán do concello das neves 2019.
- Traballar dende a perspectiva de xénero aspectos básicos en torno á igualdade de oportunidades como pilar central do concepto de cidadanía e xustiza social.
- Desenvolver actitudes favorecedoras ante o traballo en equipo, potenciando valores igualitarios e cooperativos dende o principio de bo trato e da solución dialogada de conflitos.
- Promover a corresponsabilidade entre as nenas e os nenos.
- Traballar hábitos de vida saudables.
- Fomentar a creatividade, estimular e promover as capacidades de cada nena e neno.
- Desenvolver o espírito solidario e promover relacións sociais positivas.
- Proporcionar apoio escolar e de reforzo a través de actividades de lectura e escritura.

4. PERSOAS DESTINATARIAS

- Nenas e nenos de 4 a 12 anos.

Terán prioridade as persoas empadroadas no Concello de As Neves.

Necesítase un mínimo de 15 nenos/as para levar a cabo o campamento de verán.



O número máximo de persoas usuarias será 40 menores en cada quenda, por orde de inscrición.

Terán prioridade:

- Persoas empadroadas no Concello de As Neves.
- Persoas que xustifiquen a necesidade por motivos laborais.
- Familias con informe xustificativo dos Servizos Sociais de As Neves.
- Familias monoparentais.

5. LUGAR DE REALIZACIÓN

Instalacións do Concello de As Neves e arredores.

6. PROCEDEMENTO E CRITERIOS DE SELECCIÓN

6.1.- CONVOCATORIA PÚBLICA

Para o proceso de selección do alumnado procederase á convocatoria pública a través da exposición deste documento no Taboleiro de Edictos Municipais, na páxina web do Concello e a través doutros medios publicitarios si se considera oportuno.

6.2.- INSCRICIÓN

6.2.1.-DOCUMENTACIÓN. As nenas e nenos interesadas deberán presentar nos Servizos Sociais do concello a solicitude de inscrición (Anexo I) cuberta xunto coa seguinte documentación:

- Ficha do menor participante (Anexo II).
- DNI do pai/nai/titor
- DNI do neno ou libro de familia
- Cartilla da Seguridade Social
- Quen alegue necesidade por motivos laborais presentarán copia do contrato e certificado de empresa co horario de traballo.

Praza da Cristiandade, 1
36440 – AS NEVES
+34 986 648 038
www.asneves.gal



Concello
As Neves

As persoas que desexen máis información sobre o Campamento de Verán e/ou a documentación a aportar poden poñerse en contacto coa Traballadora Social no teléfono: 986 667 134 ou no 689 984 210, ou a través do enderezo electrónico servizossociais@asneves.gal.

6.2.2.- PRAZO DE SOLICITUDE E RESERVA DE PRAZA: Do 11 o 21 de xuño 2019.

O prazo de presentación de solicitudes poderá ampliarse en función de calquera incidencia que se produza, sempre co obxectivo de mellorar o propio procedemento e os obxectivos de formación

6.2.3.- CRITERIOS DE SELECCIÓN. Admitiranse os e as participantes no Campamento de Verán por rigoroso orden de inscrición.

Terán prioridade:

- Persoas empadroadas no Concello das Neves
- Persoas que xustifiquen a necesidade por motivos laborais
- Familias con informe xustificativo dos Servizos Sociais de As Neves.
- Familias monoparentais.

6.2.4.- RESULTADO DA SELECCIÓN. O día 25 de xuño de 2019 publicarase no Taboleiro de Edictos Municipais e na páxina web do Concello o listado de admitidos.

7. ACTIVIDADES

As actividades son a base de funcionamento dos campamentos de verán 2019. Están fundamentadas na metodoloxía da educación non formal, pondo en práctica unha rica gama de obradoiros, xogos cooperativos, artes plásticas e manualidades creativas, actividades deportivas, experiencias sensoriais con soportes visuais e audiovisuais, música e expresión corporal, actividades ao aire libre, dinámicas de grupo, excursións e unha infinidade de iniciativas variadas que detallamos a continuación:



- Obradoiros de manualidades, con diferentes materiais de desfeita (papel, plástico, cartón, envases de ovos, tetrabricks, de deterxentes, suavizantes, etc.).
- Obradoiro de actividades ó aire libre (gimkhanas, xogos de auga, rastrexo...).
- Obradoiro de xogos populares e tradicionais: xogos de pita, de corda, bolos, a ra, a chave, etc.
- Obradoiro de xogos pre-deportivos: xogos con balóns, xogos de precisión...
- Grandes xogos: procura de tesouros...
- Obradoiro de cociña , de ciencia divertida, de expresión corporal e mimo, de música, conta contos...
- Outros.

Traballarase a igualdade, as relacións, o coñecemento e integración de persoas procedentes de culturas diferentes, o respecto ao medio ambiente, o ensino-aprendizaxe de valores, habilidades, actitudes, coñecementos e outros principios e valores tales como:

A solidariedade.

A felicidade.

A amizade.

O amor.

O valor da cooperación.

O sentido da vida.

O autocoñecemento e a autoestima.

A natureza humana.

A convivencia.

O coidado da natureza.

De forma específica o peso das actividades seguirá as seguintes porcentaxes: 35% relacionadas coa igualdade, 35% relacionadas coa educación en valores e 30% lúdicas



para o desenvolvemento básico das e dos menores. Estas temáticas traballaranse tanto de forma conceptual como actitudinal e procedemental.

O deseño e execución adaptarase ás idades das e dos participantes e terá en consideración as distintas particularidades das nenas e dos nenos que presenten algún tipo de intolerancia e alerxia.

8. TÉCNICAS A EMPREGAR:

Exploración, experimentación e descubrimento: A través destas técnicas desenvolverase o interese e a curiosidade pola aprendizaxe.

Dramatización: actividades a través das que poñer en acción roles aprendidos, simular as situacións a partir de esquemas imaxinarios construídos sobre a base do que observan, escoitan ou representan outros compañeiros/as.

Contacontos: a animación á lectura é fundamental nestas primeiras idades polo que se usarán os contos como vehículo de transmisión de historias e experiencias.

Animación e expresión musical. Aprendizaxe e posta en escena de coreografías.

Xogos: xogo libre, espontáneo, onde as nenas e as nenos deciden sobre como, con quen, que e canto tempo xogan a algo e xogos dirixidos en gran grupo (gran xogo) que consisten en desenvolver unha grande aventura simulada, superar unha serie de probas ou atopar pistas ocultas.

9. SAÍDAS DO CAMPAMENTO DE VERÁN AO ENTORNO MÁIS PRÓXIMO:

Realizaranse varias saídas didácticas para coñecer a contorna máis próxima. Trátase de experiencias sensorias, lúdicas e educativas con elementos naturais ou outros recursos patrimoniais como protagonista

10. TEMPORALIZACIÓN: CALENDARIO E HORARIO

O campamento de verán desenvolverase do 1 de xullo ao 30 de agosto de 2019, de luns a venres, agás os días 25 e 29 de xullo, e os días 5 e 15 de agosto.

Comprenderá un total de 41 días lectivos, distribuídos en 9 semanas.



O horario de apertura será de 9.00 a 14:00 horas. Establecerase un control e rexistro de entrada e saída das e dos menores: unha monitora ou monitor será o encargado de recibilos e despedilos no punto designado do campamento, así como de tomar constancia da súa asistencia.

En cando a organización pedagóxica dos contidos, todos os días, ao inicio, realizarase unha asemblea de bos días, presentarase a xornada e realizarase actividade de benvida guiada polas monitoras e monitores. Nas primeiras horas do día integraranse as actividades de comprensión e asimilación de contidos seguindo a temática a tratar na xornada. Nas horas centrais do día pasarase á practica e á expresión dinámica destes contidos e realizarase un momento de xogo libre para que as nenas e nenos se movan e exerciten corpo, músculos, pulmóns, corazón... e desenvolvan a súa coordinación psicomotriz. Como finalización e despedida realizaranse actividades relaxación.

11. METODOLOXÍA

A metodoloxía será aberta, participativa e flexible integrando a perspectiva de xénero e atendendo aos intereses das e dos menores e as súas motivacións. Terá componentes lúdicos, divertidos, dinámicos e igualitarios, creando un ambiente seguro e afectivo, sen discriminacións, que fomente, ao mesmo tempo, a cooperación.

Potenciarase en todo momento a autoaprendizaxe e o traballo en equipo tratando así de promover un clima de cooperación e colaboración entre todas as nenas e nenos do grupo, para favorecer unha maior interacción relacional e promover a socialización como valor imprescindible do crecemento persoal e, máis concretamente, educativo das e dos menores.

A pesar de realizar actividades en grupo a metodoloxía partirá do ritmo individual de cada unha das nenas e nenos en todas as actividades, dinámicas, xogos e técnicas empregadas. As actividades adaptaranse ás diferentes idades das e dos participantes, tendo en conta as súas inquiredanzas persoais, emocións, gustos....

Por outro lado, a creación de normas que regulen o comportamento das nenas e nenos é un alicerce básico para o óptimo desenvolvemento do campamento. Estableceranse



unhas normas que proporcionen seguridade tanto as nenas e nenos como as monitoras e monitores. A nosa proposta é que se elaboren en grupo, para que todas e todos estean de acordo, e sexan conscientes de que non son normas impostas, senón necesarias para a harmonía do grupo.

Ditas normas quedarán situadas á vista de todas e todos e ademais serán repasadas en grupo cando as condicións e situacións o requiran.

No que se refire á organización do ambiente de aprendizaxe: en todo momento tratarase de crear un ambiente estimulante e ordenado, de forma que as nenas e os nenos se sintan seguros.

Terase en conta:

As súas necesidades fisiolóxicas posto que as actividades terán lugar nos momentos adecuados sen interferir na alimentación, sono, limpeza.

As súas necesidades afectivas, de seguridade, estabilidade, para favorecer un desenvolvemento integral.

As súas necesidades de autonomía. As nenas e nenos terán acceso a todos os materiais evitando as barreiras que impidan un acceso non autónomo.

12. PERSOAL

- Traballadora Social do Concello das Neves
- Coordinadora da empresa contratada
- Equipo de monitoras ou monitores, un deles con funcións de coordinación.

O equipo de monitoras e monitores encargado do desenvolvemento do campamento establécese seguindo o ratio dunha persoa monitora por cada grupo de 10 menores.

O persoal encargado da execución do campamento posúe os requisitos de titulación e formación requiridos, debendo ter acreditado formación suficiente en materia de xénero



e igualdade para contribuír, no desenvolvemento do seu labor, á ruptura de roles e estereotipos asignados en función do sexo, comprometéndose a cumprir o deber de segredo e confidencialidade sobre os datos ou información dos que teñan coñecemento durante a execución do contrato de conformidade coa Lei Orgánica 15/1999, do 13 de decembro, de Protección de Datos de Carácter Persoal.

Así mesmo comprométense a participar nas reunións informativas que terán lugar con anterioridade ao inicio da actividade en cada un dos centros educativos, dirixida ás nais e pais das e dos menores, e ás reunións de seguimento do campamento.

13. RECURSOS MATERIAIS

A empresa achegará os recursos materiais necesarios para a execución das actividades propostas. Contarase con: plastilina, globos, cartolinas, lapices, folios, rotuladores, ceras, pinturas, témperas, pegamentos, material deportivo, material de lectura, material audiovisual, material de xogos, material reciclado...

A persoa monitora designada como responsable contará cun teléfono móbil que se lle facilitará aos responsables dos e das menores, para contactar co persoal do campamento, ante calquera imprevisto de urxencia que puidera xurdir.

Ademais contarase cun seguro de responsabilidade civil e de accidentes que cubra ás nenas e nenos participantes con vixencia durante toda a execución do campamento.

14.- ASISTENCIA

No caso de que haxa lista de espera terase en conta a asistencia ao campamento de verán. **As persoas que non asistan máis de dous días nunha semana sen xustificar daranse de baixa a favor das persoas que estean na lista de espera.**

15. ORZAMENTO

Campamento de verán : Xestión do campamento de verán das Neves de 40 nenas e nenos, por quenda, de idades comprendidas entre os 4 e os 12 anos durante os meses de xullo e agosto de 2019.

Servizos:



Contratación de 4 monitoras ou monitores coa titulación necesaria para o campamento de verán.

Achega do seguro de accidentes e de RC que cubra as nenas e nenos participantes con vixencia durante toda a execución do campamento de verán.

Achega dos recursos materiais necesarios para a execución das actividades propostas.

Control de asistencias, seguimento e elaboración dunha memoria final con resultados referidos aos indicadores reflectidos no campamento.

Orzamento campamentos de verán xullo e agosto 201910.800,00 € (máis 10% IVE)
--

TOTAL ORZAMENTO CAMPAMENTOS DE VERÁN DO CONCELLO DAS NEVES.....12.000,00 €

16. SISTEMA DE AVALIACIÓN

O sistema de avaliación realizarase mediante o establecemento de indicadores ou medidores cuantificables do grao de cumprimento dos obxectivos perseguidos.

A avaliación será un proceso continuo co obxectivo de obter información constante sobre o desenvolvemento do principio de igualdade e actuar sobre aqueles obstáculos que impidan a execución eficaz das actividades. As achegas e recomendacións da técnica municipal de coordinación do campamento, das nais, pais, nenas e nenos participantes recabaranse e empregaranse de forma periódica para a avaliación continua.

Ao remate do campamento, ás nais e pais das e dos menores proporcionaráselles unha enquisa anónima para coñecer, en que grao se alcanzaron os obxectivos perseguidos, como resultou o funcionamento da actividade, que obstáculos atoparon no seu desenvolvemento e que propostas de mellora propoñen para a planificación do próximo ano.



ANEXO I – SOLICITUDE DE PRAZA NO CAMPAMENTO DE VERÁN

DATOS DA/O SOLICITANTE

- * Nome e apelidos:
- * DNI/NIF/NIE:
- * Data de nacemento:
- * Teléfono:
- * Estado civil:
- * Número de membros da unidade familiar:
- * Número de membros da unidade familiar con discapacidade:

DATOS DA/O MENOR PARTICIPANTE

- * Nome e apelidos:
- * DNI/NIF/NIE:
- * Data de nacemento:
- * Parentesco:
- * Idade:
- * Necesidades especiais:

QUENDA SOLICITADA

Se escolles as dúas quendas, marcar a preferencia, o que non significa que lle sexan adxudicadas as dúas.

Do 1 ao 31 de Xullo

Do 1 ao 31 de Agosto

Eu, a/o solicitante, DECLARO baixo a miña responsabilidade ser certos e comprobables todos e cada un dos datos consignados na presente solicitude, así como os seguintes:

- * Que autorizo expresamente ao Concello de As Neves, para recadar calquera tipo de información que poida obrar no seu poder ou solíciatolo a outras administracións.
- * Que acepta todos os requisitos establecidos na presente convocatoria.

As Neves, a ___ de xuño de 2019

Asdo:



ANEXO II – FICHA DO MENOR PARTICIPANTE NO CAMPAMENTO DE VERÁN

DATOS DA/O MENOR PARTICIPANTE:

- * Nome e apelidos:
- * DNI/NIF/NIE:
- * Data de nacemento:
- * Parentesco:
- * Idade:
- * Domicilio:
- * Necesidades educativas especiais:

PREGUNTAS:

- * ¿Padeceu ou padece algunha enfermidade ou defecto físico importante?
 SI NON

En caso afirmativo, indicar:

- * ¿Ten algún tipo de alerxia? SI NON

En caso afirmativo, indicar:

- * ¿Atópase actualmente en tratamento? SI NON

En caso afirmativo, indicar:

CONTACTOS EN CASO DE URXENCIA, no desenrolo da actividade avisar a:

- | | |
|--------------------|-------------|
| * Nome e apelidos: | * Teléfono: |
| * Nome e apelidos: | * Teléfono: |
| * Nome e apelidos: | * Teléfono: |
| * Nome e apelidos: | * Teléfono: |

PERSOAS AUTORIZADAS NA RECOLLIDA:

- | | | |
|--------------------|-------------|--------|
| * Nome e apelidos: | * Teléfono: | * DNI: |
| * Nome e apelidos: | * Teléfono: | * DNI: |
| * Nome e apelidos: | * Teléfono: | * DNI: |
| * Nome e apelidos: | * Teléfono: | * DNI: |

Autoriza a seu fill@ obxecto da presente inscrición a asistir as actividades de referencia de acordo coas condicións que se establecen na convocatoria e a que a organización capte a súa imaxe, con destino exclusivo a ilustrar a memoria e/ou resumo da propia actividade.

As Neves, a ___ de xuño de 2019

Asdo.